



HO'OU LU LĀHUI
Regenerating Oceania
13th Festival of Pacific Arts & Culture
Hawai'i 2024

MO'OLELO HĀLĀWAI NO KE KOMIKINA HO'OLAULE'A
HANA NO'EAU A MO'OMEHEU PĀKĪPIKA 13

PO'AKAHI, 13 PEPELUALI, 2022, MA KA HOLA 3:00 'AUI

HAWAI'I CONVENTION CENTER
PAE KA'A, KE'ENA PAPA HO'OKŌ A
1801 KALĀKAUA AVENUE
HONOLULU, HI 96815

E MĀLAMA 'IA ANA KĒIA HĀLĀWAI MA O KA 'ENEHANA A ME HE ALO A HE ALO

Lālā Komikina Hō'ea:

- | | |
|------------------------|---|
| Kalani Ka'anā'anā | - Ke'ena Kuleana Ho'okipa o Hawai'i (HTA) |
| Maenette Ah Nee-Benham | - Koho 'Ia E Ke Kia 'āina |
| Snowbird Bento | - Kaiāulu |
| Māpuana de Silva | - Kaiāulu |
| Jarrett Keohokālolo | - 'Aha Kenekoa o Hawai'i |
| Jamie Lum | - Ke'ena Ho'omohala Waiwai a Ho'okipa (DBEDT) |
| Richard Onishi | - 'Aha Lunamaka'āinana o Hawai'i |
| Kehaulani Pu'u | - Ke Kūlanakauhale a Kalana o Honolulu |

Nā Hoa Kipa:

- | | |
|--------------------|----------------------------------|
| Daniel Anthony | - Kaiāulu |
| Eric Chang | - Kaiāulu |
| Lynn Martin Graton | - Kaiāulu |
| Richard Kurin | - Kaiāulu |
| Adam Lee | - Kaiāulu |
| Monte McComber | - Lālā Komikina Kāko'o i ka CPAC |
| Piripi Menary | - Kaiāulu |
| Aaron Salā | - Luna Ho'olaule'a |
| Makanani Salā | - Kaiāulu |
| Mālia Sanders | - 'Ahahui Ho'okipa 'Ōiwi Hawai'i |
| Jose Inigo Santos | - Gravitas Pasifika |
| F. Palani Sinenci | - Kaiāulu |
| Ka'iulani Spencer | - 'Ahahui Ho'okipa 'Ōiwi Hawai'i |
| Mikki-tae Tapara | - Kaiāulu |

Nā Limahana

Elise Amemiya	-	Loio Kuhina
Micah 'Ākau	-	HTA
Maka Casson Fisher	-	HTA
Irina De La Torre	-	HTA
Ilihia Gionson	-	HTA
Timothy Tiu	-	HTA

Nā Mihi

Sylvia Hussey	-	Ke'ena Kuleana Hawai'i (OHA)
---------------	---	------------------------------

HO'OMAKA

Ua aloha aku ka Luna Ho'omalulu Ka'anā'anā i ka po'e i hālāwai keleka'a'ike a he alo a he alo mua a ua ho'omaka ka hālāwai i ka hola 3:02 'āui. Na ka Luna Ho'olaule'a Salā i wehe i ka papa hana e wehewehe ana i ia mea he wehena, ke 'ano i ho'ohana 'ia ai he ala e kahua ai ka hana. Ua hīmeni 'o Mika Salā he mele i kapa 'ia 'o "Aloha Nō" me ko Mike Bento hula 'ana.

Ua mālama ka Luna Ho'omalulu i ke kīkolā a penei nā Lālā Komikina i hō'ea: ka Luna Ho'omalulu Ka'anā'anā, Mike Ah Nee-Benham, Mike Bento, a me Mike Lum—ua hō'ea keleka'a'ike 'o Mike de Silva, Mika Keohokālōle, Mika Onishi, a me Mike Pu'u.

'OLELO HŌ'IKE A KA LEHULEHU

Ua kono ka Luna Ho'omalulu i nā lālā o ke kaiaulu nui ākea e hō'ike mana'o no nā kumumana'o. No ka 'ole, ho'omau akula 'o ia i nā kumumana'o.

'ĀPONO 'I KA MO'OLELO HĀLĀWAI 23 IANUALI, 2023

Ua kākā'ahi 'ia akula ka mo'olelo hālāwai 23 Ianuali, 2023, me ka nānā pū 'ia na nā Lālā Komikina. Ua nīnau ka Luna Ho'omalulu Ka'anā'anā inā he mana'o ho'oponopono. Ua hō'ike 'o Mike Ah Nee-Benham he 'elua wahi e pono ai ka ho'oponopono.

No ka ho'oponopono 'ia o kēia mau mea, ua noi 'o ia he noi 'āpono i kō iā Mike Bennham, a i kākō'o 'ia na Mike Lum. Ua noi 'ia ke koho pālōka ma ke kīkolā a penei nā Lālā Komikina i 'āpono i ka mo'olelo hālāwai 23 Ianuali, 2023: ka Luna Ho'omalulu Ka'anā'anā, Mike Benham, Mike Bento, Mike de Silva, Mika Keohokālōle, Mika Onishi, Mike Pu'u, a me Mike Lum.

Ua noi ka Luna Ho'omalulu Ka'anā'anā iā Mike Amemiya inā hiki i ke komikina ke ho'olele i ke kumumana'o "Hō'ike'ike, Kūkā, a Ki'ina no ka Mo'olelo Luna Ho'olaule'a" i mua i hiki ke ho'oku'u iā Mika Salā ma mua o ke kūkā Mea Mālama Ho'olaule'a. Ua 'āpono 'o Mike Amemiya.

KA HŌ'IKE'IKE, KŪKĀKŪKĀ, A ME KA HANA PILI I KA PALAPALA HŌ'IKE A KA LUNA HO'OLAULE'A

Ua ho'omaka 'o Mika Salā i kāna mo'olelo ma ke kālele i nā kumuhana āna e hō'ike ana no ka Hālāwai Kōmike no ka Pāheona a Mo'omeheu Pākīpika ma waena o Malaki 2023: Papa Hana, Wahi, Palekana Olakino, Lāli'i Ho'okō, a me ka Pāpahi a Ho'olele 'ana.

E mālama 'ia ka Hālāwai Kōmike no ka Pāheona a Mo'omeheu Pākīpika mai ka 14-16 Malaki, 2023 ma ka East West Center (EWC) ma ke Kikowaena 'Aha Imin, a kono 'ia ke Komikina e

Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13
Pō'alima, 13 Pepeluali, 2023, hola 3:00 'au
'Ao 'ao 3 o 11

komo i ka hālāwai o ka 14 Malaki mai ka 9-11 kak. Ua ho'omaopopo ka Luna Ho'omalū i nā lālā komikina, 'a'ole e hō'ea a ma 'ō aku o ka 'ehā lālā komikina ma muli o nā koina Kānāwai Sunshine.

Ua kūkā 'o Mika Salā i nā papa hana e kūkā 'ia ana 'o ia ho'i ka 'Aha, Traditional Leaders' Summit, Festival Village, Hālāwai, 'Aha a Hō'ike'ike, Ecumenical Service, Youth Ambassador Program, a me ka Hō'ike'ike a Mākeke Ho'olaule'a me ka 'ike, he pou hou ka Youth Ambassador Program a Mika McComber e kālele ana i mea e kūkā 'ia ai ka mea e hana 'ia ai ma kēlā me kēia 'āina e ho'okipa ana, a pehea e holo ai kēia papa hana ma kēlā me kēia ho'olaule'a.

Penei nā wahi e no'ono'o 'ia nei no ka Ho'olaule'a:

- Ke Kulanui o Hawai'i ma Mānoa — Wehena a Panina, Festival Village, a me Kahi Hō'ike'ike Nui
- Ke Kikowaena Hālāwai o Hawai'i — Hālāwai, 'Aha, a Hō'ike'ike; Hō'ike'ike a Mākeke Ho'olaule'a
- Ka Hale Ali'i 'o 'Iolani Palace – Traditional Leaders' Summit
- Ka Luakini 'o Kawaiaha'o – Ecumenical Service
- Ka Hale Hō'ike'ike 'o Pihola – Delegate Engagement; he ku'ikahi o nā kānaka hana no'eau e hiki ana ke 'ike i nā mea i loa'a ma laila (nā mea ulana, kālai, a hana no'eau, a pēlā aku.)
- Ke Kikowaena Mo'omeheu – Delegate Engagement
- Royal Hawaiian Center (RHC) – Kahi Hō'ike'ike

Ua a'oa'o 'o Mika Salā e ho'opa'a pū 'ia ka Stan Sheriff Center he pani no ka Ecumenica Service ke pono.

No ka palekana olakino, ua mahalo 'o Mika Salā iā Mika Benton Keali'i Pang, Ph.D. i kona kāko'o ma kēia māhele. Ua ne'e kūlana 'o Mika Pang ma loko o ka Fish and Wildlife, 'o ia mau na'e kona kuleana ma ke kāko'o i ka Ho'olaule'a Hana No'eau a Mo'omeheu Pākīpika. Ke ho'omākaukau nei lāua 'o Mika Salā he hō'ike'ike i kēia pule a'e e nānā 'ia ai ke komo 'āina 'ana a komo ne'e 'ana. Ke kama'ilio nei 'o Mika Salā me ka SPC no ka 'ōnaehana i ho'ohana 'ia no ka 'ōnaehana 'ākūloia The Pacific Games he mea e hahai ai paha.

Ua pa'a nā lāli'i kahua, a ua kūkulu 'ia ka hōkele a mea'ai ('aina kakahiaka a ahiahi) i loko o ka 'aelike e kū nei. Ho'olālā 'ia ka 'aina awakea mai ka 11-2 'au. No laila, hiki i nā lālā komo ke 'ai aia na'e i ka hola i ho'oholo 'ia e ka luna hui.

Ua loa'a mai nā piki no ke alakau, a e ho'opa'a 'ia e like me ke kokoke 'ana mai o ka palena pau.

Ke holo nei kekahi mau hō'ike'ike hana aupuni. E ho'olohe 'ia ana ka SB449 ma ka 14 Pepeluali, 2023. Ke ho'omākaukau nei 'o Mika Salā he hō'ike'ike i ke Kia'āina ma ka 16 Pepeluali, 2023, a me kekahi hō'ike'ike i ka Hui 'Aha'ōlelo ma ka 22 Pepeluali, 2023.

Ua hō'oia pū ka Luna Ho'olaule'a i ke Kauka Richard Kurin o ka Smithsonian Institution i hō'ike i ko lākou hoihoi e kāko'o i ka Ho'olaule'a Hana No'eau a Mo'omeheu Pākīpika ma

kekahi mau 'ano.

Ua hō'ike 'o Mike Bento, 'a'ole hiki ke loa'a he hui no ka hālāwai CPAC aia a pa'a he papa kumumana'o. Ua hō'ike pū ka Luna Ho'omalua Ka'anā'anā, 'a'ole ka hālāwai CPAC he hālāwai Komikina, he mau hālāwai kapu ka hālāwai CPAC no ke kuleana o nā lālā komikina i ke Kānāwai Sunshine, he mea ia e noa ai ka hālāwai. 'Ōlelo ka Luna Ho'olaule'a, e hālāwai ana 'o ia me ka SPC, a e hāpai 'o ia i mua o lākou.

Ua nīnau 'o Mika Onishi inā pono ka SPC e ho'opa'a i ka hālāwai he hālāwai noa, a i 'ole, inā pono ke Komikina Ho'olaule'a Hana No'eau a Mo'omeheu Pākīpika e ho'opa'a he hālāwai noa. E hō'oia ke kime i ke ki'ina e hahai ai no ka hālāwai CPAC me ka Loio Kuhina.

He nīnau kā ka Luna Ho'omalua Ka'anā'anā iā Mika Salā a makemake i ka nūhou no ka 'aelike hale noho haumāna me Ke Kulanui o Hawai'i ma Mānoa. Ua nīnau pū 'o ia no nā hālāwai hea o loko o ka papa hana o ka Ho'olaule'a e mālama 'ia ana e ka SPC. Ua hō'ike ka Luna Ho'olaule'a Salā, e mana'olana ana ka SPC, e mālama 'ia ana kēia mau hālāwai na Ke Kulanui o Hawai'i ma Mānoa.

Ua ho'omaopopo ka Luna Ho'omalua i ke Komikina, inā makemake kekahi e mālama he hālāwai keu ma ka holo 'ana o ka Ho'olaule'a, 'a'ole nō ia he pilikia, me ka hāpai pū i kona mana'o, 'o nā hālāwai wale nō e komo ana ma ka papa hana Ho'olaule'a nā hālāwai a ke Komikina e mālama ana me kona ku'ia 'ole me nā hanana kūhelu (i alaka'i 'ia na ka SPC a 'āpono 'ia paha na ke Komikina).

Ua hō'oia 'o Mika Salā i kēia mau 'olelo; ua mālama 'ia nā kakaha a ua maopopo pono 'ia. Ua hō'ike ka Luna Ho'omalua, he nūhou kāna no ka 'ōnaehana visa a komone'e a hiki iā ia ke ho'ohui iā Mika Salā me ka po'e kūpono ke mākaukau.

Ua hō'ike 'o Mike de Silva no ke ka'a mua 'ole o ka hālāwai Culture for Sustainable Development ma lalo o ka CPAC me ke noi i ka ho'ākāka 'ia mai, a inā koi 'ia ke komikina e kāko'o i nā hālāwai Culture for Sustainable Development a Pacific Philosophies.

Ua nīnau ka Luna Ho'omalua iā Mika Salā inā he kāko'o e pono ai 'o ia no ka hālāwai me ke Kia'āina. Nīnau 'o Mika Salā iā Mika Keohokālole inā he mana'o, hō'ole maila 'o Mika Keohokālole.

E 'ae 'o Mika Salā iā Mika Keohokālole a me Mika Onishi i ka hō'ike no ka po'e e loa'a ma ka hālāwai. Ua a'oa'o 'o Mika Salā no kona kūkulu 'ana he hō'ike'ike no ka Ho'olaule'a Hana No'eau a Mo'omeheu Pākīpika me ka hō'ike 'ia o nā pahuhopu SPC i ka Ho'olaule'a Hana No'eau a Mo'omeheu Pākīpika e mohala ana me ka hana pū 'ana no ka MH 2050. Hō'ike 'o Mike de Silva i kona ka'awale no ia mau lā 'elua ke mana'o 'o Mika Salā he waiwai kona loa'a. Ua ho'onoa ka luna ho'omalua i ka wā no nā nīnau mai ka lehulehu. Ua nīnau 'o Mika Miki-tae Tapara no Aotearoa no nā wahi a ka CPAC e kipa ana ma Malaki. Ua pane 'o Mika Salā e kipa ana i Ke Kulanui o Hawai'i ma Mānoa, ka Hale Ali'i 'o 'Iolani, ka Luakini 'o Kawaihae'o, ka Hale Hō'ike'ike 'o Pihopa, ke Kikowaena Mo'omeheu Polonesia, RHC, a me Kamoku'ākulikuli

kahi e mālama 'ia ai ka 'Aha Wa'a. E kipa 'ia nā wahi a nā lālā komo e hele nui ai.

He nīnau hou aku kā Miki-tae Tapara e noi ana e 'ike i nā wahi me ka hiki ke komo i kahi hō'ike'ike, e 'ike ai i ka nui o ka 'āwai, ka 'enehana no ka hō'ike'ike.

Ua hō'oia 'o Mika Salā i ke noi me ke a'oa'o e loa'a ana he palapala nona ia mau 'ikepili a pau i ka wā o ka huaka'i CPAC.

Ua hō'ike 'o Miki-tae Tapara, 'o ka loa'a mai o ka 'ikepili wahi hō'ike'ike ka makepono loa, 'oia, 'o ia ka mea e ho'oholo 'ia ai ko lākou nui kino e holo mai ana. Ua hāpai pū 'o ia he nīnau hou aku no ke kahuapa'a Ho'olaule'a no ka wā e ho'olaha 'ia ai ke kahuapa'a, a Mika Salā i hāpai ai i ke komikina.

E mālama 'o Mika Salā he kūkala nūhou e ho'olaha hou 'ia ai ka ho'olaule'a, e ho'i nō na'e iā ia ke pa'a ka 'ikepili.

Ua noi ka Luna Ho'omalulu Ka'anā'anā iā Mike Amemiya inā ua hiki i ke komikina ke ho'olele i ke kumumana'o "Mo'olelo no nā Hana 'Ae 'Ia, Ma lalo o ke Kānāwai 103, Kau Kānāwai o Hawai'i 2023" i hiki ke ho'oku'u iā Mika Salā. Ua 'āpono mai 'o Mike Amemiya.

KA NŪ HOU NO NĀ WĀ HUI I 'ĀPONO 'IA, ME KA HAHAI PONO 'ANA I KE KĀNĀWAI 103, KE KAU KĀNĀWAI O HAWAI'I 2021

Ua a'oa'o ka Luna Ho'omalulu Ka'anā'anā no ka hālāwai 'ole 'ana o ke Kōmike Ho'okele a me ke Kōmike Wahi a Papa Hana.

Ua noi ka Luna Ho'omalulu Ka'anā'anā iā Mike Amemiya inā ua hiki i ke komikina ke ho'olele i ke kumumana'o "Kūkā no ke Kūlana Luna Ho'omalulu Wehi no ka Ho'olaule'a Hana No'eau a Mo'omeheu Pākīpika." Ua 'āpono mai 'o Mike Amemiya.

Ua a'oa'o ka Luna Ho'omalulu Ka'anā'anā no ke kāka'ahi 'ana aku o nā limahana i ke kāmua Ho'okūkū Noi Kālā no ka Mea Mālama Ho'olaule'a i nā Lālā Komikina i ka wā wale nō a ke Komikina e kūka'ana no kekahi kumumana'o.

KŪKĀ NO KE KŪLANA LUNA HO'OMALU WEHI NO KA HO'OLAULE'A HANA NO'EAU A MO'OMEHEU PĀKĪPIKA 13

Ua hō'ike ka Luna Ho'omalulu Ka'anā'anā ua lō'ihi ka wā i koho 'ole 'ia ai kekahi no ke kūlana Luna Ho'omalulu Wehi. Ua hō'ike ka Luna Ho'omalulu, makemake 'o ia e no'ono'o 'ia ka Wahine Mua Green no kēia kūlana, a no laila ua wehe 'ia ke kumuhana kūkā. Ua nīnau 'o Mike Bento no nā kuleana nui o ka Luna Ho'omalulu Wehi, a ka Luna Ho'omalulu i pane a'e ai no ka ho'ākāka 'ia ma ka Puke 'Ōkuhi Ho'olaule'a, he kūlana 'aha nō na'e ia a he mea ho'opaipai ke 'ano. He mea kēia e hiki ai i ka Wahine Mua Green (ke hoihoi 'o ia i ke kūlana) ke kāko'o i ka Ho'olaule'a a pēlā pū kona pili 'ana i ke Kia'āina. Ua nīnau 'o Mike Benham inā ua loa'a mua kekahi mau Luna Ho'omalulu Wehi, a inā paha he ho'okahi wale nō. Ua hō'ike ka Luna Ho'omalulu Ka'anā'anā, aia i ka Ho'olaule'a.

Ua noi 'o Mike Benham i ka Luna Ho'omalulu Ka'anā'anā e ho'ākāka i nā kumu āna e no'ono'o ana i kāna koho, āna i pane ai, he mau limahana kāna, he manawa a he hoihoi, a 'o ia ka mea e

makemake 'ia ana. Ua hō'ike 'o Mike Lum, mai ke kuana'ike hahai 'ōnaehana, he koho akamai kēia no ke komikina. Hō'ike mai 'o Mika Keohokālōle, inā hoihoi ka Wahine Mua, he akamai, a he mana'o maika'i kēia. Ua hō'ike 'o Mika Onishi i kona hopohopo ho'okahi 'o ia ke kūlana, a ua lohe a 'ike 'o ia no kekahi pō'aiapili i mana'o ai ka Luna Ho'omalū Wehi ua pono e lu'u a hohonu i loko o ka hanana. Makemake 'o ia e mōakāka le'a ke kuleana o ke kūlana i ka Luna Ho'omalū Wehi.

Ua hāpai ka Luna Ho'omalū Ka'anā'anā e haku 'o ia i ke kāmua o nā kūlana a me nā kuleana no ka Luna Ho'omalū Wehi no ke komikina e nānā a e kūkā ai.

Ua nīnau 'o Mika Keohokālōle inā he mea kēia e ho'oholo 'ia ana, a inā he nīnau laulā e no'ono'o ai. Hō'ike ka Luna Ho'omalū Ka'anā'anā, e pono e ho'oholo 'ia, hiki na'e iā ia ke 'ike i ke kānalua, no laila, e ho'omākaukau 'o ia he palapala kākau lima 'ia e loa'a ai ka wā e ho'omohala 'ia ai ka 'ōwehe kūlana a me ka no'ono'o 'ia o nā inoa hou aku e no'ono'o ai no ka hālāwai Malaki.

Ua hō'ike ka Luna Ho'omalū Ka'anā'anā, i ka hopena, ka'a ka ho'olālā a ho'okō i ke Komikina e ho'omohala ai i nā mana'o alaka'i a palena.

Ua hō'ike 'o Mike Benham i kona mahalo i ke kama'ilio 'ana, a me kekahi mau pōkā pōkole o nā kuleana, a 'oiai ua hiki ke helu papa 'ia nā 'ano kānaka like 'ole i mākaukau nona nā mākaukau like 'ole e pōmaika'i ai kēia hana, makemake pū 'o ia i ka 'alu e no'ono'o 'ia ai nā mākaukau o ka Luna Ho'omalū Wehi e pōmaika'i ai kēia kūlana.

Ua kāko'o ka Luna Ho'omalū a hō'ike pū 'o ia, ma kona 'ao'ao 'o ia ka Luna Ho'omalū Wehi, aia ka mākaukau 'aha i ka Wahine Mua, i ho'ohui 'ia me ka 'ike o nā kūpuna, 'ōpio, keiki, a me nā pilina kū hanauna o ka Ho'olaule'a, he mea ia a kākou e 'ike maka ai, 'o ia ka mea e o mau ai ka Ho'olaule'a Hana No'eau a Mo'omeheu Pākīpika.

KŪKĀ NO KA LOA'A MAI O KA MEA MĀLAMA HO'OLAULE'A PĀHEONA A MO'OMEHEU PĀKĪPIKA 13

Ua hō'oia ka Luna Ho'omalū i ka loa'a o ke kāmua i nā lālā komikina a pau, a kēlā me kēia lālā komikina i hō'oia mai ai, "Ae."

Ua hō'ike 'o Mike Benham, 'o ke kuleana o ke Kōmike Ho'okele ka haku 'ana i ke kāmua o ka Ho'okūkū Noi Kālā no ka Mea Mālama Ho'olaule'a nona ke kuleana ho'okahi ma ke 'ano he hui 'o ka 'imi i nā hoa e hō'aelike 'ia, ka ho'okō 'ana i ka ho'olālā, ka mālama papa hana, a me ka ho'okele 'ia o ka Ho'olaule'a, a me ka lawelawe kālā e like me ka mea e pono ai. Ua mahalo 'o Mike Benham iā Mike Amemiya a me Mike Lum i ko lāua kāko'o ma ka haku 'ana i ke kāmua. Ua makemake pū 'o Mike Benham e mahalo iā Mika Keohokālōle i ka'ana i kona 'ike no ke kuleana o ka hana. Ua hō'ike 'o ia, ke 'imi nei ke Komikina he hui kū i ka 'auhau 'ole 501c3 'o ia ka Mea Mālama Ho'olaule'a e hiki ana ke 'ae i nā ha'awina manawale'a me ka hiki pū ke ho'olako i ka leka hō'oia hā'awi makana manawale'a. Hō'ike 'ia ma ka Māhele 2.2.2. ka papa helu piha o nā kuleana no ke Komikina. Noi 'ia ma ke kāmua Ho'okūkū Noi Kālā ka 'ikepili he nui e hō'oia 'ia ai ke 'ano e hiki ai ke ho'okele i ka pāhana, ka papa helu o nā hana, a pēlā aku.

Ua ho'onoa ka Luna Ho'omalua i ka wā no ke kūkā a ua ho'omaka 'o Mika Onishi ma ke noi i ka ho'ākāka inā e 'imi ana ke komikina he Mea Mālama Ho'olaule'a, a i 'ole, 'o ka Luna Ho'olaule'a, a ma hope o kona heluhelu 'ana, hopohopo 'o ia i ko ke Komikina ho'i 'ana i ka mea kahiko i ka wā i hihia ai ke Komikina i ka ho'okele i ka hui. I kona nānā 'ana i ka papa helu kuleana i pono ai ka ho'olako 'ia, me he mea lā, e 'imi 'ia ana he Mea Mālama he 501c3 keu ho'i no ka 'ae 'ia mai o nā ha'awina manawale'a. Ma ka nānā i ka Paukū 2.2.2, 'o ke kuleana ia o ka Luna Ho'olaule'a ma ka nui e ho'okō ai. 'O kāna nīnau 'o ia ho'i inā na ka Luna Ho'olaule'a, a i 'ole, ka Mea Mālama Ho'olaule'a, 'o wai ka mea e hō'ike ana i ka nūhou? 'O wai ka mea kuleana? Ma o ka Native Hawaiian Hospitality Association (NaHHA), ua hiki ke ho'okele 'ia ka Luna Ho'olaule'a e ka Luna Ho'omalua, kānalua nui nō na'e 'o Mika Onishi i kēia ala no ka hopohopo i ka mea kuleana. Mana'o 'o Mika Onishi, 'a'ole helu 'ia ka ho'okele 'ia o nā 'aelike hana i loko o kēia papa helu kuleana (e la'a ka Hale Hō'ike'ike 'o Pihopa, Ke Kulanui o Hawai'i ma Mānoa, HICC, a pēlā aku) a me ke kūkulu pilina no ka hale noho, ka ho'okō hana kahua, a pēlā aku, no ka mālama 'ana i ka Ho'olaule'a. Makemake 'o ia e wehewehe mōakāka 'ia kēia mau mea. Ma ka nānā i nā koina no ka Mea Mālama Ho'olaule'a, mana'o 'o ia he pa'akikī ka 'imi 'ana i kekahi ma Hawai'i e kō ai nā koina e pono ai ma ka Paukū 2.2.1.

Hō'ike ka Luna Ho'omalua ma ka 'ao'ao 4, 'o ka mana'o ko kākou ho'okele 'ana i ka Mea Mālama Ho'olaule'a me nā limahana ko'iko'i i kuleana, a 'o ka maka'u ka hiki 'ole i ke Komikina ke hana 'aelike me kekahi hui. He ala ho'oponopono ma'alahi kēia i pono 'ole nā limahana o ke Ke'ena Pā'oihana, Ho'omohala 'Oihala Ho'okele Waiwai, a 'Oihana Ho'okipa e ho'opa'a i kēlā me kēia mea o ka Ho'olaule'a.

Ua hō'ike 'o Mika Onishi, 'a'ole i holo kēia 'ano kino ma mua, a no laila, no ke aha lākou e lele ai mai ka mea e holo maika'i nei i kēia kāmua Ho'okūkū Noi Kālā hou.

Ua hō'ike 'o Mike Amemiya, 'ānō, 'a'ohe Mea Mālama 'Aha no ko Mika Salā hana manawale'a 'ana no ka pau 'ana o kāna 'aelike me NaHHA. Hō'ike 'o Mika Onishi i kona 'ike 'ana. Nīnau ka Luna Ho'omalua inā e hāpai ana 'o Mika Onishi e hai wale 'ia aku nō he limahana i pani? Hō'ole 'o Mika Onishi, 'o kona mana'o ka 'imi 'ana he Luna Ho'olaule'a e hiki ana ke hō'aelike 'ia a me nā mea 'ē a'e e pono ai ma ka 'āpono 'ana o ke Komikina, a me ka 'ike, e hai ana ke Komikina i kanaka e kuleana ana.

Hō'ike ka Luna Ho'omalua, 'a'ole 'o ia 'ike pehea e ki'i ai i ke kanaka ho'okahi, no ka mea, ua pili paha i ka hai, 'a'ole i ka ho'opa'a kālā. Inā 'imi 'ia ke ala e ho'opa'a 'ia ai ke kanaka, pehea 'o ia e hana ai?

Ua nīnau 'o Mika Keohokālōle, 'o wai ka mea e ho'opa'a kālā no ka ho'okō 'ana no ka Ho'olaule'a? Aia ma lalo o ka Luna Ho'okele o ke Ke'ena Pā'oihana, Ho'omohala 'Oihala Ho'okele Waiwai, a 'Oihana Ho'okipa? Mana'o 'o Mika Onishi e pono e no'ono'o i ka hai i ke kulanā Luna Ho'okele. Ua ho'ākāka 'o Mike Benham, ua pili kēia kāmua Ho'okūkū Noi Kālā i ka Mea Mālama Ho'olaule'a (he hui) a na lākou e hai he Luna Ho'olaule'a nāna e hana ma loko o ia kino hui.

Ua 'ōlelo pū ka Luna Ho'omalū Ka'anā'anā, 'o ka mea e nele nei ka ho'ākāka 'ia o ka hana me NaHHA, he hoa hō'aelike 'ia ke kūlana Luna Ho'olaule'a ma loko o ka papa helu kuleana a ua loa'a ka 'ōlelo kiko'i i loko o ia 'aelike no ke kāko'o 'ana i ka Ho'olaule'a. Ua hō'ike ka Luna Ho'omalū no ke ka'a 'ana o NaHHA i ke Ke'ena Kuleana Ho'okipa o Hawai'i a pēlā i loa'a ai ka nūhou i ke Komikina. Pēlā i hiki ai i ke kūlana Luna Ho'olaule'a ke kāko'o i ke Komikina ma o ke Ke'ena Kuleana Ho'okipa o Hawai'i.

Ua hāpai 'o Mike Amemiya, 'o ka pololei, ua ka'a ma ka 'ōnaehana ke komikina i ke Ke'ena Pā'oihana, Ho'omohala 'Oihana Ho'okele Waiwai, a 'Oihana Ho'okipa, ua pili na'e ke kāmua Ho'okūkū Noi Kālā a kumuhana nui o ke kūkā i ko ke Ke'ena Pā'oihana, Ho'omohala 'Oihana Ho'okele Waiwai, a 'Oihana Ho'okipa mana'o e hō'aelike i ka Mea Mālama Ho'olaule'a a me ke Komikina e noho luna ma luna o ke kō.

Ua 'ōlelo ka Luna Ho'omalū Ka'anā'anā, ua hiki ke ho'oponopono i ke kāmua Ho'okūkū Noi Kālā no ia māhele.

Ua hō'ike 'o Mike Amemiya, mana'o 'o ia, aia ka pilikia ma ke 'ano e loa'a ai ka ha'awina manawale'a, 'a'ole mōakāka inā hiki ke helu 'ia he ho'ēmi 'auhau ka ha'awina manawale'a i ka moku'āina, he hiki nō na'e no ka hui 501c3. Mai waho mai, aia a loa'a mai kēia mau ha'awina manawale'a, lilo he kālā moku'āina a e pono e ho'ohana i ka 'ōnaehana ho'opa'a e ho'olilo 'ia ai ke kālā no nā lako a lawelawe 'ana.

Ua nīnau 'o Mike Benham inā ua hiki ke lele i kekahi 'ano mo'olelo ho'olilo kālā, ua lawa paha kēlā? 'Ōlelo 'o Mika Onishi, 'a'ole 'o ia mana'o wale nō he pili i ka hō'ike mo'olelo ho'olilo kālā, no ka mea, na ke komikina e alaka'i ana i ka ho'okō a he hana ke noi i ka Luna Ho'olaule'a. Kāko'o 'o Mike Benham, ka'ana like na'e no ka hihia o ka Luna Ho'olaule'a no ka hiki 'ole iā ia ke hō'aelike 'ia i kēia manawa, a 'elua wale nō 'aelike i pūlima 'ia (HICC a me Ke Kulanui o Hawai'i ma Mānoa), no ka mea, 'a'ohe mana o ka Luna Ho'olaule'a e ho'okō ai i kēia manawa, a 'o kona hopohopo ka ho'ā'o e loa'a he hui e ho'oili 'ia ai kēia kuleana. 'Ōlelo 'o Mika Onishi, 'o ka nīnūnē ma mua ke ala i ho'opa'a 'ia ai ke kālā, a 'o kekahi, 'a'ohe kālā e ho'opa'a 'ia ai kekahi mea, a 'oiai he kālā i kēia manawa ma o nā ha'awina manawale'a, 'o kona hopohopo ka loa'a mai o kekahi noi ma nā 10 miliona kālā no nā mea a pau, 'a'ohe na'e kālā no kēlā, pehea e pūlima 'ia ai ka 'aelike?

Ua lele ka Luna Ho'omalū Ka'anā'anā i ka 'ōlelo, 'o ka mana'o no kēia hui ma lalo o kēia ho'opa'a 'ana ke kū 'ana ke 'elele no ke Komikina ma ka 'imi 'ana i nā ha'awina manawale'a a me ka hai limahana e pono 'ole ai ke Komikina e hana ma kekahi 'ano 'oko'a.

Ua like pū kā Mika Onishi 'ōlelo penei, "but again, it's a proposal for the whole thing, right? DBEDT can only sign the contract for what they have funds for, and I don't believe we have the funds."

Ua hō'ike ka Luna Ho'omalū Ka'anā'anā e ho'ouna ana 'o Mika Salā i ka pila kīko'o mai ka mea hā'awi manawale'a no ka \$250,000, aia na'e he \$200,000 no ka lawelawe 'ana ma kona 'ao'ao he mea mālama ma ka 'ohi'ohi 'ana i ke kālā.

Ua nīnau 'o Mika Onishi, "What then happens to the festival during the lulls and will they have the funds to hire a Festival Director?"

'Ōlelo 'o Mike Benham, e ho'ohana 'ia kekahi o ke kālā ma ka hai he Luna Ho'olaule'a a me nā limahana, me ke kālele pū ma ka uku 'ana, loa'a kekahi māhele e 'ōlelo ana, 'a'ole lawa ke kālā no ka Ho'olaule'a holo'oko'a a no ka Mea Mālama Ho'olaule'a ke kuleana 'o ka 'imi a ho'oulu kālā no ka Ho'olaule'a.

Ua 'ōlelo 'o Mika Onishi, ua ho'opuka 'o ia i kona mau mana'o a pau. 'Ōlelo 'o Mike Benham, 'o ka mea maika'i o kēia mau 'ano kūkā 'ana, 'o ia ho'i ka mākaukau o ke Komikina ke komo i kēia 'ōnaehana. Kūikawā ke Komikina a he mea hou kēia hana e hana ai, a he pupū loa kekahi ala.

'Ōlelo ka Luna Ho'omalua Ka'anā'anā, 'o ke ala ma'alahi ke ala e hehi 'ia no ka loa'a mai o ka Mea Mālama Ho'olaule'a nāna e hai he Luna Ho'olaule'a e ka'a ana ma lalo o ke Komikina.

Ua nīnau 'o Mike Bento no nā kuleana, a ma hope o ka heluhelu 'ana, ua nīnau 'o ia inā loa'a kekahi hui kū i ka 'auhau 'ole kūloko e hiki ana ke 'auamo i kēia 'ano hana. Ke kuhi nei 'o ia 'a'ole, a 'a'ole 'o ia makemake e 'ike i kēia ho'olaule'a e holo i kahi 'ē, 'oiiai, 'a'ole nō loa'a kēia 'ano ho'olaule'a ma Hawai'i.

Ua noi ka Luna Ho'omalua Ka'anā'anā e hāpai 'ia nā mana'o ho'oponopono kiko'i (huapalapala B/K ma ka 2.2.1). Hō'ike 'o Mike Benham, 'olu'olu lākou i nā mana'o ho'oponopono.

Ma ke kuhikuhi aku i kā Mike Bento nīnau, mahalo aku 'o Mika Keohokālōle i kona mana'o me ka 'ōlelo i ka lōkahi pū o kona mana'o, a me ka pa'akikī o kona 'ike 'ana i kekahi mea mālama ho'olaule'a nui a'e no waho o Hawai'i e hiki ana ke 'auamo i ke koena o nā kuleana.

Ua 'ōlelo 'o Mike de Silva, 'a'ole mōakāka loa iā ia ke kāmua Ho'okūkū Noi Kālā, no ka mea, mai ka wā mai i loa'a ai, 'a'ole nō ia ma kona ikaika, ua mōakāka na'e nā hopohopo i hāpai 'ia, a hopohopo maoli 'o ia no ka pupū o ka holomua. 'Ike na'e 'o ia i ka 'oia'i'o o ka hana a pilina aupuni, makemake na'e 'o ia e no'ono'o inā he kumu e ho'omāhelehele 'ia ai ke kāmua Ho'okūkū Noi Kālā a he mau mea li'ili'i mai 'oiiai ma kahi hou loa a 'a'ohē manawa e piliwaiwai ai a kaupalena 'ia ka manawa, a ka Luna Ho'omalua Ka'anā'anā i kāko'o ai. Ua ka'ana pū 'o Mike de Silva i kona hopohopo i ka hiki 'ole ke ho'okele, 'oiiai, 'o ia ko lākou kuleana. Hāpai ka Luna Ho'omalua Ka'anā'anā, mali'a paha, e pono e no'ono'o i nā limahana manawa piha i loko o nā kuleana. 'Ōlelo 'o Mika Keohokālōle, 'a'ole paha e hiki no ka hiki 'ole ke loa'a nā limahana a hiki i Ianuali 2024. Kāko'o ka Luna Ho'omalua Ka'anā'anā a 'o ia wale nō kekahi ala e hiki ai ke ho'opa'a limahana.

Hō'ike 'o Mike Benham i ke ko'iko'i loa me ka hiki 'ole paha ke ho'omanawanui i ke kāmua Ho'okūkū Noi Kālā.

Ua ho'omalolo wikiwiki ka Luna Ho'omalua Ka'anā'anā i ka 4:43 'aui.

Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13
Pō'alima, 13 Pepeluali, 2023, hola 3:00 'aui
'Ao 'ao 10 o 11

Ua ho'omaka hou ka Luna Ho'omalua Ka'anā'anā i ka hālāwai i ka 4:51 'aui. me ka mahalo i ke komikina i ke kūkā maika'i loa. Makemake 'o ia e hāpai he noi i kēia ahiahi e 'ae ana i ka ho'opa'a 'ia o kekahi Mea Mālama Ho'olaule'a, i kākō'o 'ia e Mike de Silva, a ua wehe 'ia ke kūkā.

Ua hō'ike ka Luna Ho'omalua no ka hiki ke hāpai i nā mana'o ho'oponopono no ke kāmua Ho'okūkū Noi Kālā, 'ao'ao 'ehā huapalapala R — e noi ana i ka hā'awi 'ia o ka mo'olelo pa'a ma mua o 'Aukake 2023. 'O kekahi mana'o ho'oponopono ka huinanui kālā no ka loa'a o nā kuleana ko'iko'i e pono ana e holo i ka mālama hālāwai (mālama hālāwai CPAC a me ka huaka'i Hālāwai CPAC i Nūkaledonia). Makemake ka Luna Ho'omalua e ho'oponopono i kāna noi e ho'omau ke komikina i ka hāpai mana'o ho'oponopono ma mua o ka ho'opuka 'ana i ke kāmua Ho'okūkū Noi Kālā, a 'a'ole e 'a'e ka huinanui kālā a ma 'ō aku o ka heluna o ka mālama 'ana i ka CPAC a me ko ka Lālā Komikina a me kekahi 'elele hou aku holo 'ana i ka hālāwai CPAC ma Nūkaledonia. Ua kākō'o 'o Mike de Silva i ka mana'o ho'oponopono o ka Luna Ho'omalua.

Ke ho'ākāka nei 'o Mike Benham i ka palena pau. 'Oiai e 'imi ana i ka ho'opuka i ka Ho'okūkū Noi Kālā ma ka 20 Pepeluali. Ua noi ka Luna Ho'omalua e loa'a mai nā mana'o ho'oponopono ma mua o ka 4:30 'aui. ma ka Po'alima, 17 Pepeluali, 2023.

'Ōlelo 'o Mike Lum, hiki ke noi 'ia kekahi manawa i emi i ke 30 lā e ka luna o ka ho'opa'a inā ho'oholo ka Luna Ho'omalua he pono. Ke nīnau nei ka luna ho'omalua inā he lālā komikina e makemake ana e ho'ouna 'ia kēia noi, a Mike Lum i 'ōlelo ai, 'a'ohe 'aha noi hiki mua i ke Ke'ena, akā, ua hiki. 'Ōlelo 'o Mika Keohokālole, mana'o 'o ia, e hana lākou i ka ho'opa'a e like me ke kūhelu i hiki, a ka Luna Ho'omalua i kākō'o ai, a i ho'oholo 'ia ai ka hana a emi i ke 30 lā.

Ho'omau ka Luna Ho'omalua Ka'anā'anā i ke koho pāloka me ke koho pāloka hō'oia, a pēlā pū nā lālā komikina 'ē a'e. Holo ka mana'o me ka mahalo pū i ka po'e i ka 'ae e holomua ka 'ōnaehana ho'opa'a.

KA HŌ'IKE'IKE, KŪKĀKŪKĀ, A ME KA HANA PILI I KA NŪHOU MAI KE KŌMIKE PAPA LUNA HO'OKELE

Ho'opane'e ka Luna Ho'omalua i kēia kumumana'o no ka hō'ike mua 'ia o ka hapa nui o kēia nūhou ma ke kumumana'o 5.

KA HŌ'IKE'IKE, KŪKĀKŪKĀ, A ME KA HANA PILI I KE KŌMIKE WAHI, A ME KA NŪHOU MAI KA KŌMIKE PAPA HANA

Ho'opane'e ka Luna Ho'omalua i kēia kumumana'o no ka hālāwai 'ole 'ana o ke Kōmike Wahi.

'ŌLELO HŌ'IKE A KA LEHULEHU

Kono ka Luna Ho'omalua i ke kaiaulu nui ākea e hāpai mana'o. No ka 'ole, ho'omau akula 'o ia i nā ho'olaha.

NĀ HO'OLAHA

No Mike Bento ke kuleana 'o ka wehena i kekahi hālāwai aku.

Mo'olelo Hālāwai o ke Kōmike no ka Ho'olaule'a No'eau a Mo'omeheu Pākīpika 13
Pō'alima, 13 Pepeluali, 2023, hola 3:00 'au
'Ao 'ao 11 o 11

KA HO'OPA'A HĀLĀWAI - 20 MALAKI 2023

Aia kekahi hālāwai Ho'olaule'a Hana No'eau a Mo'omeheu Pākīpika ma ka Zoom ma ke 31
Malaki, 2023.

HO'OKU'U

Ho'oku'u ka Luna Ho'omalua Ka'anā'anā i ka hālāwai i ka 5:02 ahi.

Me ka hō'ihī,



Kalani Ka'anā'anā
Luna Ho'omalua

31 Malaki 2023
Lā